

Epidendrum Rousseauae Schltr. n. sp.

Epiphyticum, habitu verosimiliter *E. ramosi* Jacq.; foliis ligulatis, obtusis, basin versus sensim paulo angustatis, c. 7 cm longis, supra medium c. 1,2 cm latis, exsiccatione nigricantibus; racemis laxe plurifloris, 8—10 cm longis, pedunculo vaginis vulgo 2 bracteiformibus, late ovatis, breviter acuminatis distanter obsesso, c. 3—4 cm longo; bracteis late triangulo-ovatis, breviter acuminatis, ovarium vulgo paulo excedentibus; floribus carnosis, glaberrimis, viridibus, exsiccatione nigricantibus; sepalis lanceolato-ligulatis, acutis, incrassato-trinerviis, 1,2 cm longis, intermedio erecto, lateralibus porrecto-patentibus, medio margine inferiore paulo dilatatis; petalis recurvis, anguste linearibus, infra apicem paulo dilatatis, obtusiusculis, sepalorum longitudine; labello e ungue lineari columnae omnino adnato in laminam trilobatam expanso, basi callis 2 parallelis e basi laminae usque infra basin lobi antici decurrentibus, obtusis donato, basi profunde cordato, lobis lateralibus patentibus dolabriformibus, antice obtusiusculis, lobo antico e ungue late ligulato in laminam suborbicularem obtuse apiculatam expanso, tota lamina labelli 7 mm longa, inter margines lorum lateralium 7 mm lata, lobo antico 4 mm longo, infra apicem 3,5 mm lato; columna leviter arcuata, 6 mm longa, cum ungue labelli omnino connata; ovario cum pedicello glabro, 5 mm longo.

P a n a m a: Am Isthmus. — **M r s. R o u s s e a u.**

Von dieser höchst charakteristischen Art liegen mir nur zwei Infloreszenzen und ein Blatt vor. Allem Anschein nach besitzt die Pflanze einen ähnlichen vegetativen Aufbau, wie *E. ramosum* Jacq. Die Form der Lippe ist für eine solche Art sehr bemerkenswert.